


全集



邓国光 曲奉先 编著
河南人民出版社

中國
琴
詩
詞



中国花卉诗词全集

邓国光 曲奉先 编著

河南人民出版社

责任编辑 魏亚洲
封面题字 秦子卿
美术设计 李健强
杨伟涛
技术设计 胡颖君

ISBN 7-215-04143-3



9 787215 041431 >


ISBN 7-215-04143-3/I·545

(全四册) 定价 280.00 元

邓国光 曲奉先 编著



01011189303R 郑州大学图书馆



王集

叁

中國琴弈詩詞



中国花卉诗词全集

邓国光 曲奉先 编著 责任编辑 魏亚洲

河南人民出版社出版发行(郑州市农业路 73 号)

河南第一新华印刷厂印刷 新华书店经销

开本 850×1168 1/32 印张 175.75 字数 4,200,000

1997 年 10 月第 1 版 1997 年 10 月第 1 次印刷 印数 1-3000

ISBN7-215-04143-3/I·545 (全四册)定价 280.00 元

向日葵

向日葵,又名西番葵、向阳花。据说原产北美,18世纪传入亚洲,为菊科、向日葵属的一年生草本。茎粗壮直立,高丈许,叶片广卵圆形,一杆一花,6至8月开放,黄瓣大心,形如盘,有向阳性,故又名“向阳花”。花美丽,实清香,观赏和食用价值均较高。

2678 向日葵

诗

南北朝

陆机

园葵诗 二首

种葵北园中，葵生郁萋萋。朝荣东北倾，夕颖西南晞。零露垂鲜泽，朗月耀其辉。时逝柔风戢，岁暮商飚飞。曾云无温夜，严霜有凝威。幸蒙高墉德，玄景荫素蕤。丰条并春盛，落叶后秋衰。庆彼晚凋福，忘此孤生悲。

翩翩晚凋葵，孤生寄北蕃。被蒙覆露惠，微躯后时残。庇足周一智，生理各万端。不若闻道易，但伤知命难。

唐朝

刘长卿

咏墙阴下葵

此地常无日，青青独在阴。太阳偏不及，非是未倾心。

戴叔伦

叹葵花

今日见花落，明日见花开。花开能向日，花落委苍苔。自不同凡卉，看时几日迴。

宋 朝

梅尧臣

葵 花

此心生不背朝日，肯信众草能翳之。真似节旄思属国，向来零落谁能持。

苏 辙

赋园中葵花

葵花开已阑，结子压枝重。长条困风雨，倒卧枕丘垄。忆初始放花，岌岌旌节耸。得时能几时，狼藉成荒冗。浮根不任雪，采剥收遗种。未忍焚枯茎，积叠墙角拥。

刘克庄

葵

生长古墙阴，园荒草树深。可曾霑雨露，不改向阳心。

蔡 氏

葵 花

落寞西风暗淡姿，倩谁谱入上林枝。最怜一点丹忱在，不为斜阳影便移。

2680 向日葵

元 朝

段成己

葵花日

恋恋天光下玉阶，明妃初出汉宫来。情知生死归无路，一点芳心誓不回。

李 瓚

种 葵

种葵南轩下，葵长不盈尺。芄芄初叶茂，挺挺交柯直。匪以花为美，有取心向日。孤忠类臣子，恒性若有德。只恐秋风至，兰蕙同萧瑟。虽然遇凋落，凡草孰可匹。

郭 钰

葵花叹

朝见葵花长叹息，暮见葵花重于邑。白日携光万汇苏，寸心炯炯谁能识。蜡光腻粉花正开，翠袖捧出黄金杯。再拜君王千岁寿，六龙迎驾扶桑来。朱门厌逢车马客，移花远置山岩侧。不辞辛苦灌葵根，遮莫浮云翳空碧。

王 翰

题画葵花

上苑馀春辇路荒，芳菲落尽更堪伤。怜渠自是无情物，犹解倾心向太阳。

向日葵 2681

明 朝

宋玄僖

四月廿九日过杨氏嘉树轩见红葵盛开赋
绝句一首

窗外花开一丈红，南风摇动绿阴中。倾阳心曲何人见，雨打梅花白发翁。

高 启

白葵花

素彩发庭阴，凉滋玉露深。谁怜白衣者，亦有向阳心。

葵 花

艳发朱光里，丛依绿荫边。夕同山薜落，午并海榴燃。幽馥流珍簪，鲜辉照藻筵。群芳已谢赏，孤植转成怜。

清 朝

沈青崖

向日葵

满院秋风敛嫩黄，扣盘扃烛望恩光。踰鸟万里谁知汝，犹是西倾倚夕阳。

2682 向日葵

林 旭

颐和园葵花

瀛海分馀润，秋晖亦圣恩。抚心无愧汝，飘落复何言。

指甲花

指甲花,又名散沫花、水木樨。原产美洲,为千屈菜科、散沫花属的落叶灌木。高五六尺,枝条柔弱,叶细小,6至10月开放,花甚繁密,小如木樨,有红、白、黄、紫等色,甚芳香。因叶可染指甲,红过“凤仙花”,故名为“指甲花”。

2684 指甲花

诗

宋 朝

郑刚中

题异香花俗呼指甲花

小比木犀无酝藉，轻黄碎蕊乱交加。邦人不解称谁说，一地称为指甲花。

清 朝

汪士慎

水木犀

爱此指甲花，依稀金粟芽。不逢秋露冷，常被鬓云遮。弄影荒村月，飘香野叟家。芳蕖与杜若，剪以配清华。

词

明 朝

高 濂

秋蕊香 水木樨

风露薄、秋光暖。柔翠枝头花软。细蕊娇香凝笑眼。分得金波色浅。
木樨开落闲庭院。香风扇、未许西风，卷向露草还舒展。

王夫之

风中柳 水桂

不惜轻盈，取次浓妆珠蕊。似凭阑、绿云倦倚。低鬟微笑，欹兰襟香
细。敛幽情、闲心如水。道是江妃，还似月中仙子。向秋清、露
凝芳髓。冷然孤秀，怕微霜风起。索细挽、柔条重覩。

孩儿菊

孩儿菊,又名泽兰、孩儿花。原产我国,系菊科、兰草属的多年生草本。茎直立,叶对生,有香气,花生枝顶,夏秋开花,色有白、紫、绿,为夏日之香草。

诗

宋 朝

无名氏

孩儿花

纤秾初见似娇痴，鼓舞春风二月时。何事自开还自落，可怜造化亦儿嬉。

词

清 朝

李 渔

菩萨蛮 鹦哥菊

菊花种类多于粟。从来未睹鹦哥绿。不肯学花黄。翻同叶比妆。
满园红共紫。变态从今始。争看绿衣郎。思为并蒂芳。

金 钱 花

金钱花,又名子午花、夜落金钱。原产亚洲热带,为梧桐科、午时花属的一年生草本。高尺许,叶较长而尖,花生叶腋或枝顶,6至10月开花,朵小如钱,有黄、白、红等色,艳丽妩媚。午时开花,子时凋谢,故又名“子午花”。入夜落英缤纷,如金钱铺地,故又名“夜落金钱”。

诗

唐 朝

卢 肇

金钱花

轮郭休夸四字书,红窠写出对庭除。时时买得佳人笑,本色金钱却不如。

皮日休

金钱花

阴阳为炭地为炉,铸出金钱不用模。莫向人前逞颜色,不知还解济贫无。

来 鵬

金钱花

也无棱郭也无神,露洗还同铸出新。青帝若教花里用,牡丹应是得钱人。

罗 隐

金钱花

占得佳名绕树芳,依依相伴向秋光。若教此物堪收贮,应被豪门尽厮将。